

լէքան) : Քութայիսում հիւանդները զուրկ մնացին բժշկական օգնութիւնից : Թախանձազին խնդրանքից յետոյ՝ մի քանիսը գետեղեցին բանտի հիւանդանոցում բժաւոր տիֆով հիւանդների և այլ ոճրագործների կողքին, որոնցից ամէն օր մի քանի հոգի մեռնում էր խնամքի բացակայութեան պատճառով : Բանտի հիւանդանոց տեղաւորւած հայերից մեռան մօտ 10 հոգի, որոնց անունները յայտնի է Քութայիսի հայ քահանային : Բոլոր այդ օրերի ընթացքին՝ մեզնից իւրաքանչիւրը չէր դադարում կախում ունենալ այս կամ այն պաշտօնեայի կամ զինւորի քմահաճոյքից ու կամայականութիւնից : Մեզ տանում էին՝ ատրճանակների փողը մեզ վրա ուղղած, մեզնից շատերին ենթարկում էին պահակապետերի և զինւորների ծեծին : Շատերին կողոպտեցին, խլեցին դրամները. շատերի վրայից հանեցին քիչ թէ շատ լաւ զգեստը (ուսանող Շամոյեանի, վատման Ալեքսանեանցի, Սարգիս Մուրադեանի, Գ. Սաչատրեանցի և ուրիշների) : Մեզ յայտնի չէ ձերբակալւածներին և Քութայիս տարածքների որոշ թիւը. յամենայն դէպս, այդ թիւը հասնում է երկու հազարի : Դրանցից, իրօք, ճակատից բերւած ռազմագերիները 3—4 տասնեակ մարդկանցից աւելի չէին, որոնց նկատմամբ մենք վկայ եղանք առանձնապէս վայրագ վերաբերմունքի : Զինւորները զրկեցին տաք հագուստից ու կօշիկից : Սպաներից խլում էին լաւ կօշիկներն ու փոխարինում տրեխներով (չտա-կապ. Տէր-Ղազարեան) : Մի ռազմագերի զինւորի դաշոյնով վիրաւորեց պահակ զինւորը, և նա մեռաւ՝ առանց բժշկական օգնութեան : Թիֆլիսում այդ ռազմագերիներից մի քանիսը մտրակով ծեծւեցին՝ Բորչալուի թաթարներից առնւած ձիաւոր պահակների կողմից*) : Ներկայացւած փաստաթղթերը, յայտարարութիւնները, հարցաքննութիւն կատարելու մասին խնդիրները, պաշտօնատարների նկատմամբ գանգատները ո'չ մի արդիւնք չունեցան : Մենք չենք բերում մեր կրած վնասները...

Մեզնից ոմանք, ձերբակալւած դեկտ. 23-ին և աքսորւած Քութայիս, յետոյ գանդան պատճառներով վերադարձած, — Թիֆլիսի ճանապարհին ու հազիւ Թիֆլիս հասած նորէն ձերբակալւեցին և մինչև անգամ յետ ուղարկեցին Քութայիս : Եղան դէպքեր, երբ միեւնոյն անձը ձերբակալւեց մինչև չորս անգամ**):

Այս ամենից հեշտ է տեսնել, թէ ի՞նչ լարւած յարաբերութիւններ էին ստեղծւած հայերի և վրացիների միջև — մի բան, որ, ի հարկէ, շատ դժւարացրեց երկու ժողովուրդների մերձեցման ու բարի հարեանական համակեցութեան դործը : Պատերազմը մեծ չարիք պատճառեց երկու կողմերին էլ : Ծիշտ է, նա մասամբ մաքրեց անառողջ մթնոլորտը Հայաստանում, բարձրացրեց հայ ժողովրդի կորովը, հայերին տւեց երկաթուղային ու զինւորական թանգարտէք նիւթեր, մասամբ թուլացրեց վրացիների յարձակողական ազգայնամոլութիւնն ու հարկադրեց, որ, որոշ չափով,

*) «Աշխատաւոր», 30 յունւար, 1919թ.

**) Չենք կարող այստեղ չյիշել, որ վրացի գերիները Հայաստանում բոլորովին այլ վերաբերումի էին արժանացել. նրանք պահուում էին առանձին գորանցներում, ստանում էին նոյնքան ուտելիք, որքան և զինւորները. սպաների համար տրւել էին յատուկ յարմարութիւններ. նրանք ստանում էին սպայական ռանիկ : Վրացական 4րդ և 5րդ գնդերի գերի ու վիրաւոր զինւորները «Քորբա»-յի խմբագրութեան ուղղած մի նամակով գրում էին, որ՝ իրենք «հայերի կողմից հանդիպել են ամենաջերմ ու սրտակից վերաբերումի : Թէ քաղաքացիական և թէ զինւորական իշխանութիւնները դործ են դնում ամէն ջանք, որ զիւրացնեն մեր վիճակը : Իսկ մեզ դերի առնող զինւորների վերաբերումը ամենաեղբայրականն է, որից լաւը կարելի չէ ցանկանալ» :